

Involucri squamae octonae florendi tempore 11 mm longae basi minute puberulae, floribus flavis subbreviores. Achenia dense seriatim muricata in rostrum laevem apice parum dilatatum eis aequilongum attenuata.

Bulgaria: In vinetis et collinis ad Papakli, leg. Stribrny a. 1906 et 1909.

Differt a *T. elatiore* Stev., sub quo nomine a collectore distributus est, imprimis acheniis in rostrum fere aequilongum attenuatis, cum in *T. elatiore* fere erostra sint. A *T. orientali* L. et *T. pratensi* L. foliis margine undulato-crispis differt.

## 2. *Tragopogon transsilvanicus* Hayek, spec. nov.

Biennis, radice verticali crassa apice fibroso-squamosa. Caulis elatus validus ad 1 m fere altus glaber in parte superiore in ramos nonnullos simplices divisus. Folia glabra, inferiora oblongo-lanceolata, 30—50 mm lata, 11—13 nervia, longe acuminata, basin versus vix attenuata vaginato-amplexicaulia, margine plana, superiora e basi ovata amplexicauli in laminam lanceolatam acutam brevem sensim acuminata. Pedunculi apice non incrassati. Squamae involucri octonae, florendi tempore fere 3 cm longae. Floreis aurei, involucrum tertia parte superantes. Achenia grisea, apicem versus seriatim muricata, in rostrum tenuem sublongiorem apice non incrassatum attenuata.

Transsilvania: In pratis „Heuwiesen“ („szenafü“) prope Klausenburg legi ipse 9. Julio 1913.

Macedonia centralis: In graminosis prope Allchar, leg. J. Dörfler (Iter Alb. secundum no. 219 sub *T. rumelico*).

Habitu priori non dissimilis, sed statura robustiore, glabritie, capitulis maioribus et imprimis acheniorum rostro tenui elongato et foliis margine non undulato crispis diversum. Habitu speciminibus validis *T. orientalis* L. non dissimilis, sed foliis latissimis et acheniorum rostro elongato tenui facile distinguendus. A *T. rumelico* Vel. iisdem notis discrepat.

## XI. (LXXXVIII). L. Gross,

*Viola pumila* Chaix × *silvestris* (Lmk. p. p.) Rehb. hybr. nov.

= *V. Gerstlaueri* L. Gross.

Planta perraro rosulans.

Caules complures erecti vel ascendentes 5—15 (—25) cm, in statu aestivo ad 35 cm alti, in infima parte sordide violacei.

Stipulae ± foliaceae, longe acuminatae, saepius longifimbriatae-dentatae, plerumque marginibus brevissime setoso-hispidis sicut in *V. pumila*.

Folia glaberrima vel subglaberrima, infima circiter 1 cm longa et 0,5 cm lata, elliptica vel e basi ± truncata rotundiuscula, obtusa vel manifeste acutiuscula, superiora e basi plane cordata oblongo-ovata vel